

INUIT ATAQATIGIIT

INATSISARTUNI



Qasigiannuit, 30. juli 2015

Inatsisartut suleriaasianni § 37 naapertorlugu apeqquteqaatit imaattut naalackersuisunut ingerlatippakka.

Naalackersuisunut apeqqutit:

- 1) **Inuit Piareersarfittut akornanni ukioqqortussutsip agguataarnera qanoq ippa?**
- 2) **Inuit Piareersarfittut akornanni sumiiffikkaartumik illoqarfinni, nunaqarfinni kommunenilu agguataarneri qanoq ippa?**
- 3) **Inuit Piareersarfissimasut akornanni Piareersarfimmiissimanerup kingorna qassit ilinniarlutik ingerlariaqqittarpat?**
- 4) **Inuit Piareersarfissimasut akornanni Piareersarfimmiissimanerup kingorna qassit suliffittaartarpat?**
- 5) **Naalackersuisut isumaat malillugu Piareersarfiup iluatsilluarnissaa sunik tunnga-veqassava?**
- 6) **Piareersarfinni sulisut ilinniartitsisullu pikkorissarsinnaanermut qanoq periarfissaqarpat?**
- 7) **Suliffissaaleqisut matchgruppenut immikkoortinneqartarnerannut Piareersarfinni misilittakkat qanoq ippat?**
- 8) **Naalackersuisut suliffissaaleqisut matchgruppenut eqqortunut agguataarneqartarnissaat pillugu iliuuseqarpat? Taamaappat, qanoq?**
- 9) **Suliffissaaleqisut matchgruppe 3-miittutut nalilerneqartut sumut ingerlateqqinneqartarpat?**
- 10) **Piareersarfimmiissimasut Piareersarfinnerup kingorna ilinniarfinnut suliffinnulluunniit ingerlaqqissimanngitsut sumut ingerlateqqinneqartarpat? Qanoq kimillu ikorfartoqartarpat?**
- 11) **Inuusuttut suliffissaaleqisut akornanni nunaqarfinniittut qassiuppat?**
- 12) **Nunaqarfinni inuusuttut inersimasullu suliffissaaleqisut pillugit Naalackersuisut qanoq iliuuseqarniarpat?**

(Inatsisartuni ilaasortaqaq Sara Olsvig, Inuit Ataqatigiit)

Tungavilersuut:

Naalackersuisut aningaasanut inatsit 2015-moortoq saqqummiummassuk ukiuni tulluittuni Piareersarfinni inissanik amerlanerusunik pilersitsinissaminnik pilersaarutertik aamma saqqummiuppaat. Tassunga atatillugu paaserusunnarpoq Piareersarfimmiissimasut akornanni qassit suliffinnut ilinniarfinnulluunniit ingerlaqqittarsimanersut, taassumallu saniatigut sumiiffikkaartumik inuit qassit Piareersarfittarnersut paaserusunnarluni.

Ilanngullugu paaserusunnarpoq inissat amerlinerini Piareersarfinni sulisut ilinniaqqinnissamut pikkorissarnissamullu qanoq periarfissaqartinneqartiginersut suliffissaaleqisunillu matchgruppenut immikkoortitsisarnerit Piareersarfinnut tigusinermi malinneqartarnerisut.

Inuusuttut inersimasullu suliffissaaleqinerannik akiuinermi paasissutissat pingaaruteqarput Piareersarfiillu kisiisa aallutarinagit allanik iliuuseqartoqarnissaanik naliliinermi pingaaruteqarlutik.

Inuit Ataqatigiinnit Piareersarfiit suliaat pitsaalluinnartut akuersaarpavut ingammilli suliffissaa-
leqisunut inuusuttunut akiunermi iliuutsit assigiinngisitaarnerunissaat kissaatigaarput, amerla-
nerpaat ingerlaqqittarnissaat angujumallugu.

Naalakkersuisut nunaqarfinni inuusuttut suliffissaaleqisut pillugit qanoq iliuuseqarniarnersut
ilanngullugu paaserusunnarpoq.

Apeqqutit ullut suliffiusut qulit qaangiutsinnagit akineqarsimanissaat kissaatigaara.